



Inatsisartunut ilaasortaq Malik Berthelsen,
Maani

Pineqartoq: §37.1 164/2012 Pinartunik nappaatillit nakorsamit nakkutigineqarnerat pillugu

22. juni 2012
Suliap nr. SJ-STD-BIVN
All.Upp.Nr. 941397

Inatsisartunut ilaasortaq Malik Berthelsen, Siumut apeqqutaanut qutsavigissavara:

Postboks 1160
Oqa: 34 50 00
Allak: 32 55 05
3900 Nuuk

Email: pn@nanoq.gl
www.nanoq.gl

Peqqinnissaqarfiup nutarterneqarnerata kingorna, sulereernerup kingorna nakorsanut aggersarneqarsinnaanermut aningaasarsiatigut tapit sipaarniutigineqarnerat, unnukkut weekendinilu pinartumik nakorsianut qanormita sunniuteqarsimava?

Nalinginnaasumik suliffiup kingorna nakorsat aggersarneqarsinnaanerisa sipaarniutigineqarnerisa kingorna pinartumik nakorsiaraluit nakorsamik passunneqarsinnaasannigitsut kisitsisitigut nalunaarsugaatigineqarpat?

Ilaatigut apeqqutinut tunuliaqutaasut ukuupput, pinartumik nappaatillit, arlaannik pissuteqartumik misissorneqartariaqartut, nakorsap nalinginnaasumik suliarternissaa utaqqqe-qartariaqartassappassuk soorunami akuersarneqarsinnaassannigitsaq.

Inatsisartunut ilaasortaq isumaqatigilluinnarpara, tassalu kikkut tamarmik peqqinnissaqarfimmuut pinartumik saaffiginnittut soorunami pisariaqartinneqartumik sullinneqartariaqartut, peqqinnissaqarfillu soorunami aamma taamaasiortarpoq – aamma peqqinnissaqarnikkut aqqissuusseqqereernerup atortuulersinneqareernerata kingorna.

Peqqinnissakkut aqqissuusseqqinneq 2011-imi atortuulersinneqarpoq, tassani siusinnerusukkut peqqissaaveqarfiit 16-iusimasut peqqinnissaqarfinnut tallimanut (5-inut) katutsinneqarmata. Aqqissuusseqqinnissamik kissaateqarneq aallaaveqarpoq innuttaasunut tamanut sapinngisamik pitsaanerpaamik peqqinnissaqarnikkut kiffartuussisoqarnissaata qulakkeerneqarnissaa taamaasiorterlu peqqinnissaqarfimmi sipaarniutini kinguneqarsimanani.

Tunuliaqutaasooq unaasimavoq, taamanikkut peqqissaaveqarfiit 1920-ikkunni pilersinneqarneriniit, ullumikkut pitsaanerujussuarnik atortuulersuuteqaratta attaveqatigiinnissamullu pitsaanerusunik periarfissaqarluta ilaatigut telemedicin aqqutigalugu. Tamakku qaavisigut peqqinnissaqarfiup tunniuttagaanut annertusigaluttuinnartunik piumasaqaateqartoqarpoq peqatigitillugulu, peqqinnissakkut immikkut ilisimasalinnik sulisunik atorfinitsitsinissaq ajornarsigaluttuinnarsimalluni, pingaartumik napparsimavinnut aamma peqqissaavinnut mikinerusunut nakorsanik atorfinitsitsiniartarnek. Tamakku tamaasa katilugit kinguneraat aqqissuusseqqinnissaq pisariaqartinneqarlarsimalluni.

Peqqinnissaqarfimmi nukissat agguataarneqarnissaat anguniarparput, taamaasilluni innuttaasunut tamanut ataatsimoortumik annertunerpaamik peqqissutsikkut iluaquteqarnissaq anguneqarsinnaassalluni – taamalu inuiaqatigiit ataatsimut isigalugit annertunerpaamik iluaqutaassalluni. Ilaatigut nunap sananeqaataa aamma innuttaasut siammasissumi najugaqarnerat pissutigalugit innuttaasunut ataasiakkaanut ilungersunartumik nappaalasoqalersinnaaneranut mianernartunut nalilersueqqissaartoqartarpoq peqqinnissaqarfillu nukinnik sapinngisamik pitsaanerpaanik atuinissamut periarfissinneqarluni.

Ulluunerani nalinginnaasumik nakorsamit sullinneqarnissamik pitsaanerpaamik neqerooruteqarnissaq nassaassaasartoq, missingersuusiornernut tamanna tunuliaqutaavoq, napparsimasunillu amerlanerpaanit, immikkut qaffasissumik ilisimasalinnit suliarineqarnissamik pisariaqartitsisunik tunuliaqutaalluni peqqissaaviit ilaanni kissaatigineqartarmat ulluklut ammasarfiup avataani peqqinnissaqarfimmut saaffiginnissutit sapinngisamik qitiusumut katersorneqarnissaat siunertaralugu napparsimasuutiminik neqeroorutitut pisariaqartinneqartunut siumoortumik innersuussisinnaajumallutik.

Peqqinnissaqarfiup tunniuttagai peqqinnissaqarfimmi aqqissuusseqqereernerup kingorna immikkut ittumik sullissinnermut pisariaqartinneqartumik annikinnerpaamut killiffilerlugu aamma tunniunneqartassapput. Tamatumalu kinguneraa, peqqinnissaqarfimmut ulluunerani suliffiup avataani saaffiginnissutit aamma peqqinnissaqarfimmi aqqissuusseqqereernerup eqqunneqareernerata kingorna sulisunut pingaartuusunut pisassammata, taakkulu nappaatip suussusersineqarnissaanut passunneqarnissarlunniit pisariaqartinneqarata nakorsamik sulisunillunniit allanik aggersaasarput. Taamaasilluni 2007-imi misissuinerup takutinnikuuvaa, peqqinnissaqarfimmi sulisunik allanik¹. akulerutsitsingikkaluarlutik peqqissaasut napparsimavinnut saaffiginninnerit affaat sinnerlugit naammassisaraat.

Apeqquteqaatinut akissutit naatsut imatut isikkoqarput: Peqqinnissaqarfimmi aqqissuusseqqittoqareernerata kingorna peqqinnissaqarfimmi aqqissuussaanikkut allannginnerit pisimasut nalinginnaasumik piffissap suliffiusartup avataani saaffiginnissutitut inutalersuisarnermut tunngatillugu napparsimasunut ataasiakkaanut kinguneqarnissaa naatsorsuutigineqanngilaq. Aammattaaq pinartumik nappaatilinnik nakorsamit kiffartuunneqarnissamik pisariaqartitsisunik, tamanna pisariaqartinneqassappat sipaarniarnerit kingunerisaanik nakorsamit takuneqanngitsoortartunik peqanngilartaaq.

Inussiarnersumik inuulluaqqusillunga

Agathe Fontain



¹ Audit Projekt Odense. Peqqinnissaqarfimmut saaffiginnissutitigut misissuinermit suliarinninnermilu peqqissaasup suliassai. Kalaallit Nunaat 2007. Audit Projekt Odense. Januar 2009.